


名公增修晉書詳節

一







據上海圖書館藏宋刻本影  
印原書版框高十·八釐米  
寬六·六釐米



兩晉世



系之圖



會稽王道子

元顯

恭帝

安帝


穆帝

海西公

哀帝



# 兩晉地理之圖



蜀圖一



名公增修標註晉書詳節目錄

卷之一

西晉本紀

宣帝

景帝

文帝

武帝

惠帝

懷帝

愍帝

卷之二

東晉本紀

元帝

明帝

成帝

康帝

穆帝

哀帝

廢帝

簡文帝

孝武帝

安帝

恭帝

卷之三

晉志

天文志

律歷志

禮志

樂志

職官志

食貨志



合卷之四

晉志

刑法志

后妃列傳

張皇后

楊皇后

胡貴嬪

賈皇后

羊皇后

杜皇后

李太后

王皇后

合卷之五

諸臣列傳

王祥 覽

何曾 劭

石苞 崇 顧 湯 建

羊祜

杜預 錫

合卷之六

列傳

裴秀 顙 楷 衛瓘 恒 玠

張華 劉卞

合卷之七

宗室列傳

安平王孚 義陽王望



范陽王綏 毓 敬王恬  
扶風王駿 梁王彤  
齊王攸

卷之八

列傳

王沉 荀勗 遼 閔  
賈充 謚 楊駿  
魏舒 劉寔 智

卷之九

列傳

王渾 濟 王濬  
唐彬 山濤 簡  
王戎 衍 澄 郭舒  
樂廣

卷之十

列傳

鄭袤 劉毅 曠  
和嶠 武陔  
任愷 崔洪  
劉頌 傅玄 咸



閻續

合卷之十一

列傳

阮籍 咸 瞻 孚 脩 裕

嵇康 向秀

劉伶 謝鯤

胡毋輔之 謙之 畢卓

羊曼 肅 光逸

合卷之十二

列傳

庾敳 郭象

庾純 皇甫謐

摯虞 束皙

王接 郤詵

阮种 華譚 袁甫

愍懷太子

合卷之十三

列傳

陸機 陸雲 喜

夏侯湛 潘岳 尼



張載 協  
孫楚 統 綽  
江統

合卷之十四

列傳

羅憲 馬隆  
周處 北 札 周訪 虢  
汝南王亮 并序 楚王瑋  
趙王倫 解系 結  
張輔 索靖 緝

合卷之十五

列傳

周浚 嵩 荀晞  
劉喬 柳 劉琨 真  
祖逖 納 邵續  
王導 悅 珣 珉 劉弘  
陶侃

合卷之十六

列傳

溫嶠 郝鑒 超  
顧榮 紀瞻



賀循

楊方

薛兼

劉隗

刁協

戴若思

周顛

卞壺

劉超

鍾雅

孫惠

陳頴

合卷之十七

列傳

郭璞

葛洪

庾亮 翼

庾亮 翼 相 彝 冲

王湛 述

王坦之 忱

范汪 甯

劉惔

張憑

韓伯

合卷之十八

列傳

王允之

王彪之

虞嘯父 騏

陸玩 納

何充

蔡謨

諸葛恢

殷浩 顧悅之 蔡裔

孔愉 坦

孔弈



孔羣

卷之十九

列傳

謝尚

謝安

混 弈

謝玄

謝萬

王羲之

王徽之

王獻之

許邁

桓伊

朱伺

毛寶

朱序

卷之二十

列傳

陳壽

王長文

虞溥

王隱

虞預

孫盛

于寶

習鑿齒

顧和

袁山松

江道績

車胤

王雅

王恭

劉牢之

殷仲堪

劉毅

何無忌



涼武昭王高

卷之二十一

孝友傳

李密

許孜

顏含

王延

忠義傳

嵇紹 含

韋忠

劉敏元

羅企生

卷之二十二

良吏傳

杜軫

曹攄

鄧攸

儒林傳

范平

徐邈

王裒

庾袞

劉殷

何琦

王育

辛勉

易雄

王宏

潘京

吳隱之

文立

范宣



韋謏

王歡

文苑傳

成公綏

左思

趙至

褚陶

王沉

張翰

袁宏

羅含

顧愷之

卷之二十三

外戚傳

羊琇

杜乂

褚裒

何準

王濛

蘊

隱逸傳

孫登

董京

夏統

范喬

董養

魯褒

郭文

翟莊

劉麟之

宋纖

謝敷

戴逵

陶潛



藝術傳

陳訓

戴洋

淳于智

鮑靚

吳猛

佛圖澄

鳩摩羅什

今卷之二十四

烈女傳

羊耽妻

杜有道妻

王渾妻

愍懷太子妃

陶侃母

虞潭母

周顛母

王凝之妻

韋逞母

竇滔妻

四夷傳

東夷

西戎

大秦國

南蠻

列傳

王躬

栢温

孟嘉

栢玄

殷仲文

王機

蘇峻

孫恩



卷之二十五

載記

漢

劉曜始號曰趙

劉元海

劉聰

陳元達

劉曜

卷之二十六

載記

後

石勒

張賓

石季龍

冉閔

卷之二十七

載記

前

慕容廆

慕容皝

翰

慕容儁 慕容暉 慕容皝 慕容暉 慕容皝 慕容暉 慕容皝 慕容暉 慕容皝 慕容暉

卷之二十八

載記

前

符洪

符堅

符朗

符丕

徐嵩



谷卷之二十九

載記

後秦

姚弋仲

姚萇

姚興 尹緯

姚泓

後蜀

李特 勢

後凉

呂光

呂纂

後凉

慕容垂

慕容盛

慕容熙

谷卷之三十

載記

西秦

乞伏國仁 乾歸 熾盛

北凉

馮跋 素弗

南凉

秃髮烏孤

秃髮利鹿孤



元髮禪壇

南京

慕容德

慕容超

北凉

沮渠蒙遜

夏

赫連勃勃

各戶公增修標註晉書母詳節目錄



名公增修晉書詳節卷之一

西晉本紀

宣帝

伏膺  
儒教  
有憂  
天下  
心

論  
且耕  
且守

宣皇帝諱勳字仲達河內溫縣孝敬里人姓司馬氏  
 少有奇節聰朗多天畧博學洽聞伏膺儒教漢末大  
 亂常慨然有憂天下心建安六年郡舉上計掾魏武  
 帝為司空聞而辟之帝辭以風痺魏武使人夜往刺  
 之帝堅卧不動及魏武為丞相又辟為文學掾勅行  
 者曰若復盤桓便收之帝懼而就職於是使與太子  
 遊處魏既建遷太子中庶子每與大謀輒有奇策為  
 太子所信重遷為軍司馬言於魏武曰昔箕子陳謀  
 以食為首今天下不耕者蓋二千餘萬非經國遠籌  
 也雖戎甲未卷自宜且耕且守魏武納之於是務農  
 積穀國用豐贍文帝即位轉丞相長史黃初五年加  
 給事中錄尚書事帝固辭天子曰吾於庶事以夜繼  
 書無須更寧息此非以為榮乃分憂耳六年天子自  
 廣陵還洛陽詔帝曰吾東撫軍當揔西事吾西撫軍  
 當揔東事於是帝留鎮許昌及天子疾篤帝與曹真  
 陳羣並受顧命輔政詔太子曰有間此三公者慎勿  
 疑之明帝即位改封武陽侯。青龍二年與諸葛亮



諸葛亮挑戰遺帝巾

奇才

死諸葛亮生仲達

相拒于五丈原會有長星墜亮之壘帝知其必敗時  
 朝廷以亮僑軍遠寇利在急戰每命帝持重以候其  
 變亮數挑戰帝不出因遺帝巾幘婦人之飾帝怒請  
 決戰天子不許乃遣骨鯁臣辛毗杖節為軍師以制  
 之初蜀將姜維聞毗來謂亮曰辛毗杖節而至賊不  
 復出矣亮曰彼本無戰心所以固請者以示武於其  
 衆耳將在軍君命有所不受苟能制吾豈千里而請  
 戰邪帝弟弟書問軍事帝復書曰亮志大而不見機  
 多謀而少決好兵而無權雖提卒十萬已墮吾畫中  
 破之必矣與之對壘百餘日會亮病卒諸將燒營遁  
 走經日乃行其營壘曰天下奇才也帝急追之關中  
 多疾穰帝使軍士二千人着軟材平底木履前行疾  
 穰悉着履然後馬步俱進追到赤岸乃知亮死審問  
 時百姓為之謔曰死諸葛亮生仲達帝聞而笑曰吾  
 便料生不便料死故也先是亮使至帝問曰諸葛公  
 起居何如食可幾米對曰三四升次問政事曰二十  
 罰已上皆自省覽帝告人曰諸葛孔明其能久乎竟  
 如其言。四年遼東太守公孫文懿反徵帝詣京師  
 天子曰此不足以勞君事欲必克故以相煩耳君度  
 往還幾時對曰往百日還百日攻百日以六十日為



司馬公善用兵變化若神

追鋒車

加九錫

休息一年足矣。景初二年，遂進師經孤竹，越碣石，次于遼水。初，文懿聞魏師之出也，謂救於孫權，權亦出兵，遙為之聲援。遺文懿書曰：「司馬公善用兵，變化若神，所向無前，深為弟憂之。會霖潦大水，朝廷聞師，遇雨咸請召還。天子曰：『司馬公臨危制變，計日擒之矣。』既而雨止，遂合圍。晝夜攻之，文懿攻南圍，突出，帝縱兵擊敗之，斬于梁水之上。遂班師，次白屋，有詔召帝。二三日之間，詔書五至，帝乃乘追鋒車，晝夜兼行，自白屋四百餘里，一宿而至，引入臥內。天子執帝手，自齊王曰：『以後事相托，吾忍死待君，得相見，無所復恨矣。』與曹爽並受遺詔輔少主。齊王即位，以帝為太傅，入殿不趨，贊拜不名，劔履上殿，如漢蕭何故事。魏正始二年，增封四縣邑萬戶，子弟皆為列侯。帝勲德日盛，而謙恭愈甚，以太常常林鄉邑舊齒，見之每拜，常戒子弟曰：『盛滿者家道之所忌，四時猶有推移，吾何德以堪之？損之又損，庶可以免乎。』嘉平元年，誅曹爽兄弟，天子以帝為丞相，奏事不名。冬十二月，加九錫之禮，朝會不拜，固讓九錫。二年，寢疾，夢賈逵王凌為祟，甚惡之。見魏志崩于京師，時年七十二。晉國初建，追尊曰宣王，武帝受禪，上尊號曰宣皇帝。魏



狼顧

武察帝有雄豪志聞有狼顧相欲驗之乃召使前行  
令反顧面正向後而身不動因謂太子不曰司馬懿  
非人臣也必預汝家事太子素與帝善每相全佑故  
免明帝時王導侍坐帝問前世所以得天下導乃陳  
帝創業之始及文帝末高貴鄉公事明帝以面覆牀  
曰若如公言晉祚復安得長遠迹其猜忌蓋有符於  
狼顧也

情深  
阻性  
猜忍

制曰夫天地之大黎元為本邦國之貴元首為先治  
亂無常與亡有運是故五帝之上居萬乘以為憂三  
王以來處其憂而為樂競智力爭利害大小相吞彊  
弱相襲逮乎魏室三方鼎峙干戈不息氣霧交飛宣  
皇以天挺之資應期佐命文以續治武以稜威用人  
如在已求賢若不及情深阻而莫測性寬綽以能容  
和光同塵與時舒卷戢鱗潛翼思屬風雲節忠於已  
詐之心延安於將危之命觀其雄畧內斷英猷外決  
殄公孫於百日擒孟達於盈旬自以兵動若神謀無  
再計矣既而擁眾西幸與諸葛相持抑其甲兵本無  
鬪志遺其中幘方發憤心杖節當門雄圖頗屈請戰  
千里詐欲示威且秦蜀之人勇懦非敵夷險之路勞  
逸不同以此爭功其利可見而返閉軍固壘莫敢爭



忠將  
失之道

竊鐘  
掩耳  
銳意  
盜金

鋒生怯實而未前死疑虛而猶道良將之道失在斯乎文帝之世輔翼權重許昌同肅何之委崇華其霍光之寄當謂竭誠盡節伊傳可齊及明帝將終棟梁是屬受遺二主佐命二朝既承忍死之託曾無徇生之報天子在外內起甲兵陵土未乾遽相誅戮身臣之躰寧若此乎蓋善之方以斯為惑夫征討之策豈東智而西愚輔佐之心何前忠而後亂故晉明掩面恥欺偽以成功石勒肆言笑茲回以定業古人有云積善二年知之者少為惡一日聞於天下可不謂然乎雖自隱過當年而終見嗤後代亦猶竊鐘掩耳以眾人為不聞銳意盜金謂市中為莫覩故知貪於近者則遺遠溺於利者則傷名若不損己以益人則當禍人而福己順理而舉易為力背時而動難為功况以未成之晉基逼有餘之魏祚雖復道遠區宇德被蒼生而天未啓時寶位猶阻非可以智競不可以力爭雖則慶流後昆而身終於北面矣

景帝

景皇帝諱師字子元宣帝長子也雅有風彩沉毅多大略少流美譽與夏侯玄何晏齊名晏常稱曰惟幾也能成天下之務司馬子元是也宣帝之將誅曹爽



死士  
三千  
一朝  
而集

謀發  
立

深謀秘策獨與帝潛畫文帝弗之知也將發夕乃告之既而使人覘之帝寢如常而文帝不能安席晨會兵司馬門鎮靜內外置陣其整宣帝曰此子竟可也初帝陰養死士三千散在人間至是一朝而集眾莫知所出也事平以功封長平鄉侯宣帝夢議者咸云伊尹既卒伊陟嗣事天子命帝以撫軍大將軍輔政○正元元年天子與中書令李豐后父張緝等謀以太常夏侯玄代帝輔政帝密知之逮捕玄緝等皆夷三族天子以玄緝之誅深不自安而帝亦慮難作潛謀發其密諷魏承寧太后下令廢天子以齊王歸藩而立高貴鄉公髦二年母丘儉文欽舉兵作亂帝統中軍步騎十餘萬以征之遂斬儉傳首京都欽與子騫敗奔吳初帝且有瘤疾使醫割之騫之來攻也驚而目出懼六軍之恐蒙之以被痛甚醫被敗而左右莫知焉崩于許昌時年四十八晉國既建追尊曰景王武帝受禪尊號曰景皇帝

文帝

文皇帝諱昭字子上下景帝之母弟也進位大將軍加侍中都督中外諸軍錄尚書事輔政甘露二年諸葛誕作亂帝奉天子東征帝進軍丘頭攻誕城拔之斬



加九錫

誕夷三族魏帝命改丘頭曰武丘以旌武功於是增  
帝邑萬戶食三縣諸子之無爵者皆封列侯景元元  
年天子既以帝二世宰輔政非已出情不能安將臨  
軒口百寮而行放黜帝知之召護軍賈充等為之備  
天子知事泄帥左右攻相府太子舍人成濟抽戈犯  
蹕刺之刃出於背天子崩于車中帝於是歸罪成濟  
夷濟三族立燕王宇之子璜為帝四年帝命將伐蜀  
天子以諸侯獻捷交至乃封帝為晉公加九錫帝以  
禮辭讓司空鄭冲率羣臣勸進帝乃受命咸熙元年  
進帝爵為王二年天子命帝冕十有二旒建天子旌  
旗出警入蹕皆如帝者之儀是年秋帝崩年五十五  
武帝受禪追尊號曰文皇帝  
史臣曰世宗以睿略創基太祖以雄才成務事殷之  
跡空存剪商之志弥遠三分天下功業在焉及踰劔  
銷氛浮淮靜亂捐宮昏然或所不堪若乃躡以名臣  
格之端揆周公流連於此歲魏武得意於茲日軒懸  
之塗大啓南陽師擊之圍於焉北面壯矣哉包天大  
人者也為帝之主不亦難乎  
贊曰世宗繼文邦權未分三千之士其從如雲世祖  
無外靈關靜氛反雖討賊終為弑君



武帝

武皇帝諱炎字安世文帝長子也寬惠仁厚沉深有  
度量累遷中撫軍及晉國建立為世子拜撫軍大將  
軍初文帝以景帝既宣帝之嫡早世無後以帝弟攸  
為嗣特加愛異自謂攝君相位百年之後大業宜歸  
攸每曰此景王之天下也吾何與焉將議立世子屬  
意於攸何曾等固爭曰中撫軍聰明神武有超世之  
才髮委地手過膝此非人臣之相也由是遂定文帝  
崩嗣相國晉王位是時晉德既洽四海宅心於是天  
子知曆數有在乃使太保鄭冲奉策帝初以禮讓魏  
朝公卿何曾等固請乃從之

王嗣晉

泰始元年即皇帝位

二年三月吳人來弔祭有司奏為答詔帝曰昔漢文  
光武懷撫尉陀公孫述皆未正君臣之儀所以羈縻  
未賓也詔遣使之始未知國慶但以書吳台之秋七月  
辛巳營太廟致荆山之木采華山之石鑄銅柱十二  
塗以黃金錢以百物綴以明珠十月詔曰昔見苑苑蒼  
梧農不易畝禹葬成紀市不改肆上惟祖考清簡之  
旨所從陵十里內居人動為煩擾一切傳之

營天廟

八年帝與右將軍皇甫陶論事陶與帝爭言散騎常



容讓  
言

侍鄭徽表請罪之帝曰讓言譽讓所望於左右也人  
主常以阿媚為患豈以爭臣為損哉徽越職妄奏豈  
朕之意遂免徽官

九年制女年十七父母不嫁者使長吏配之

咸寧元年三月帝將射雉慮損麥田而止

四年十一月大醫司馬程據獻雉頭表帝以奇技異

服與禮所禁焚之于殿前

五年十月汲郡人不準掘魏襄王家得竹簡小篆古

書十餘萬言藏于秘府十一月大舉伐吳

六年二月龍驤將軍王濬以舟師至于建鄴之

孫皓  
降

石頭孫皓大懼回縛輿觀降于魚門濬杖節解縛焚

觀送于京都收其圖籍

七年詔選孫皓妓妾五千人人入宮

太康元年四月帝崩時年五十五廟號世祖○帝明

達善謀能斷大事承魏氏奢侈侈刻弊之後百姓思古

之遺風乃厲以恭儉有司嘗奏御生青絲紉斷詔以

青麻代之平吳之後天下乂安遂怠於政術耽於遊

宴寵愛后黨親貴當權舊臣不得專任羣臣奏廢請

謁行矣既而寢疾弥留揚后輒為詔以揚駿輔政中

朝之亂實始于斯



通所  
不  
服所  
未服

未數  
年紀  
綱亂

制曰武皇承基誕膺天命擢圖御宇敷化導民以佚  
 代勞以治易亂絕練綸之貢去彫琢之飾制奢俗以  
 變儉約止澆風而返淳朴雅好直言留心采擢劉毅  
 裴楷以質直見容嵇紹許奇雖仇讎不棄仁以御物  
 寬而得衆安畧天度有帝王之量焉於時民和俗靜  
 家給人足聿脩武用思啓封疆决神筭於涿東斷雄  
 圖於議表馬隆西伐王濬南征師不延時德廣前迹  
 兵無血刃楊越為墟通上代之不通服前王之未服  
 禎祥顯應風教肅清天人之功成矣霸王之業大矣  
 雖登封之禮讓而不為驕泰之心因斯以起見土地  
 之廣謂萬葉以無虞觀天下之安謂千年而永治不  
 知劇廣以思狹則廣可長廣居治而志危則治無常  
 治加之建立非所委寄失才志欲就於升平行先迎  
 於禍亂是猶將適越者指沙漠以遵途欲登山者涉  
 舟航而覓路所趨逾遠所向轉難南北倍殊高下相  
 反求其至也不亦難乎况以新習易動之基而无久  
 安難拔之慮故賈充凶堅懷姦志以擁權揚駁豺狼  
 苞禍心而專輔及乎宮車晚出諒闇天周潘翰變親  
 以成踈連兵競滅其本棟梁回忠而起偽擁眾各舉  
 其威曾未數年紀綱大亂海內版蕩宗廟播遷帝道

武帝 一卷十



不能除元海廢惠帝

王猷反居其身之俗神州赤縣翻成被髮之鄉棄所  
大以資人掩其小而自託為天下笑其故何哉良由  
失慎於前所以貽患於後且知子者賢父知臣者明  
君子不肖則家亡臣不忠則國亂國亂不可以安也  
家亡不可以全也是以君子防其始聖人閉其端而  
世祖惑荀勗之姦謀迷王渾之偽策心屢移於眾口  
事不定於己圖元海當除而不除空令擾亂區夏惠  
帝可廢而不廢終使傾覆其基夫全一人者德之輕  
拯天下者功之重弃一子者忍之小安社稷者孝之  
大况乎資三世而成業延二孽以喪之所謂取輕德  
而捨重功畏小忍而忘大孝聖賢之道豈若斯乎雖  
則善始於初而垂人終於末所以殷勤史策不能無  
慷慨焉

孝惠帝

孝惠帝諱秉字正度武帝第二子也武帝崩即皇帝  
位大赦改元為永平以太尉楊駿為太傅輔政改永  
熙為永平

矯詔廢皇太后

二月誅太傅楊駿等賈后矯詔廢皇太后楊氏  
為庶人徙于金墉城  
賈后弒皇太后于金墉城



五年十月武庫火焚累代之寶

九年廢皇太子適為庶人及殺太子母謝氏

永康元年三月賈后矯詔害庶人適于許昌四月梁

王彤趙王倫矯詔廢賈后為庶人未幾復矯詔害賈庶人

趙王倫篡位

永寧元年正月趙王倫篡帝位遷帝于金墉城改金

齊王

墉曰永昌宮三月平東將軍齊王囹起兵以討倫四

王倫討趙

月王輿王淮勒兵入宮禽倫黨孫秀等斬之遂倫端

第即日乘輿反正羣臣頓首謝罪帝曰非諸卿之過也於是誅趙王倫及其黨與

永安元年河間王顥表請立成都王穎為太弟遂下

詔以穎為皇太弟石衛將軍陳眕以詔召百僚入殿

中因勒兵討成都王穎司徒王戎等奉帝北征至安

陽衆十餘萬穎遣其將石超距眕六軍敗績帝傷頰

中三矢亡六爪帝遂幸超軍餒其超進水左右奉秋

桃穎望羣官迎詣道左乃備法駕幸于鄴改元為建

武安北將軍王浚遣烏丸騎攻成都王穎于鄴大

敗之穎與帝單車走洛陽服御分散君臣上下無齋

侍中黃門被囊中齎私錢三千詔貸用所在買飯以

供宮人有持升餘粒米飯及燥蒜鹽豉以進帝帝噉

買飯以供宮人



之御中黃門布被有老父獻蒸雞帝受之至温將謂  
陵帝喪履納從者之履下拜流涕左右皆獻歎及濟  
河河間王顥將張方帥騎三千奉迎因劫帝幸長安  
行次新安寒甚帝墮馬傷足河間王顥帥官屬步騎  
三萬迎于霸上以征西府為宮唯僕射荀藩司隸劉  
暉太常鄭球河南尹周馥在洛陽為留臺承制行事  
號為東西臺焉改元復為永安十二月詔成都王穎  
還第以豫章王璠為皇太子

**光武皇帝**五月東海王越遣其將祁弘等奉帝還洛  
陽帝乘牛車行宮藉桌公卿跋涉十一月帝崩時年

代太子決事

天下謂之互市  
問蝦蟆

四十八○帝之為太子也朝廷咸知不堪政事武帝  
亦疑焉嘗悉召東宮官屬使以尚書事令太子決之  
帝不能對賈妣遣左右代對多引古義給使張泓曰  
太子不學陛下所知今宜以事斷不可引書妣從之  
泓乃具草令帝書之武帝覽而大悅太子遂安及居  
大位政出羣下綱紀大壞負賂公行忠賢路絕謏諛  
得志更相薦善天下謂之互市焉高平主作釋時論  
南陽魯褒作錢神論戶江杜嵩作任子春秋皆疾時  
之作也帝又嘗在華林園聞蝦蟆聲謂左右曰此鳴  
者為官乎為私乎或對曰在官地為官在私地為私



及天下荒亂百姓餓死帝曰何不食肉糜其家蔽皆此類也後因食井中毒而崩或云司馬越鳩之

**史記**不才之子則天稱大權非帝出政亦宵人褒姒共叔帶並興襄后與犬戎俱運昔者丹朱不肖紂王逃責相彼凶德事關休咎方乎土梗以墜其情倂暑之氣將闡潛毒之音畢記乃彰嗤笑用符顛隕豈通才俊彥猶形於前代增淫助虐獨擅於當今者故物號忠良於茲拔本人稱妖孽自此疏源長梁不祥承華非命生靈版蕩社稷丘墟古者敗國亡身分鏹共軫不有亂常則多庸暗豈明神喪其精魄武皇不知其子也

武皇不知子

**贊**曰惠皇居尊臨朝聽言厥體斯昧其情則昏高臺望子長夜奚免金墉毀冕湯陰釋胄及尔皆亡滔天來邁

孝懷帝

孝懷帝諱熾字豐度武帝第二十五子也太熙元年封豫章郡王屬惠帝之時宗室避禍帝冲素自守門絕賓游專玩史籍有書於時十二月立為皇太子弟帝以清河王覃本太子也懼不敢當典書令脩肅勸帝云云帝曰卿吾之宋昌也乃從之惠帝崩即皇帝位



以大傳東海王越之政

地陷  
二鵝  
出

**永嘉元年**洛陽步廣里地陷有二鵝出也蒼者冲天白者不能飛九月有大星如日小者如斗自西方流於東北天尺赤俄有雷如雷

**二年**十月劉元海僭帝号於平陽仍拜漢

**四年**六月劉元海死其子和司偽位和弟聰弒和而自立七月劉聰從弟曜及其將石勒圍懷十月東海

王越羽檄徵天下兵帝謂使者曰為我語諸征鎮若今日尚可救後則無逮矣時莫有至者十一月東海

王越帥眾出許昌以行臺自隨官省無復有衛荒饑日其盜賊公行袍鼓之音不絕

**五年**東海王越薨四月石勒追東海王越喪及於東郡將軍錢端戰死軍潰王公已下死者十餘万人東

海世子毗及宗室四十八王尋又沒於石勒六月劉曜王弥石勒同寇洛川王師頻為賊所敗丁酉劉曜

王弥入京師帝開華林園門出河陰藕池欲幸長安為曜等所追及曜等遂焚燒宮殿逼辱妃后百官士

庶死者三万餘人帝蒙塵於平陽劉聰以帝為會稽公

**七年**正月劉聰大會使帝著青衣行酒侍中庾珉號

青衣  
行酒



哭聰惡之帝過弒崩于平陽時年二十。帝初誕有嘉禾生於豫章之南昌先是望氣者云豫章有天子氣其後竟以豫章王為皇太子。

孝愍帝

孝愍帝諱鄴字彥旗武帝孫皇太子曼之子也。出繼後伯父秦獻王東襲封秦王及洛陽傾伏避難於滎陽密縣自密南趨許穎豫州刺史閻鼎與雍州刺史賈疋迎衛達于長安奉秦王為皇太子賈疋討賊遇害衆推始平太守麴允領雍州刺史為盟主承制選

四年四月秦懷帝崩問遂即皇帝位八月劉蜀等達于揚州改建鄴為建康改鄴為臨漳。

盜發二陵

三年六月盜發漢羽杜二陵及薄太后凌太后面如生得金玉綵帛不可勝紀時以朝廷草創服章多闕勅收其餘以實內府。

絕米糧

四年七月劉曜攻北地麴允帥步騎二萬救之王師不戰而潰八月劉曜備京師內外斷絕麴允與公卿守長安小城以自固十月京師餓甚米斗金二兩大倉有麴數十斗麴允屑為粥以供帝至是復及帝泣謂允曰今窘厄如此外無救援死於社稷是朕事也。



不而  
袒  
劉聰

然念將士暴離斯酷今欲聞城未陷為羞死之事庶  
令黎元免屠爛之苦行矣遣書朕意決矣使侍中宋  
敞送牋於暉帝乘羊車肉袒銜璧與觀出降群臣號  
泣攀車御史中丞吉朗自殺帝蒙塵於平陽麴允及  
群官並從劉聰假帝懷安侯聰臨殿帝稽首于前麴  
允伏地慟哭因自殺

劉聰  
使帝  
洗爵  
執盃

五年三月琅邪王睿承制改元稱晉王於建康七月  
大旱螽蝗石勒亦競取百姓禾時人謂之胡蝗○十  
一月劉聰出獵令帝行車騎將軍戎服執戟為導百  
姓聚而觀之故老或歔歔流涕聰聞而惡之聰因大  
會使帝行酒洗爵反而更衣又使帝執盃晉臣在位  
者多失聲而泣十一月帝遇弒崩于平陽時年十八  
○帝之繼皇統也屬永嘉之亂長安城中戶不盈百  
墻宇頽毀高棘成林朝廷無車馬章服唯桑版署號  
而已

史臣曰昔炎暉杪暮英雄多假於宗室全德韜華顛  
沛共推於懷愍樊陽寂寥兵車驟會豈力不足而情  
有餘乎喋喋遺韻存其王警彼詩人愛其棠樹夫  
有非常之事而無非常之功詳觀發迹用非天啓是  
以輿指齒劍可得而言焉于時五岳三塗並皆淪寇



性深  
若城  
府

蜀

班正  
朔於  
八荒

龍川牛首故以立君股肱非挑戰之秋劉石有滔天之勢療饑中斷嬰戈外絕兩京淪狄再駕徂戎周王墮首於驪峯衛公三旰以淇上思為一郡其可得乎于寶有言曰昔高祖宣皇帝以雄才碩量應時而仕值魏太祖創基之初籌畫軍國嘉謀屢中遂服輿軫駘馳三世性深阻若有城府而能寬綽以容納行任數以御物而知人善採拔故賢愚咸懷大小畢力尔乃取鄧艾於震瑣引周泰於行役委以文武各善其事故能西擒孟達東柔公孫內夷曹爽外襲王凌神畧獨斷征伐四鄰紅御羣后大權在已於是百姓與能大象始構世宗承基太祖繼業方輿亂內欽誼寇外潛謀雖密而在機必兆淮浦再擾而許洛不震咸黜異圖用融前列然後推轂鍾鄧長駘庸蜀三關電掃劉禪入臣天符人事於是信矣始當非常之禮終受備物之錫至于世祖遂享皇極仁以厚下儉以足用和而不弛寬而能斷故民詠惟新四海悅勸矣聿脩祖宗之志思輯戰國之苦腹心不同公卿異議而獨納羊祜之策校王杜之決役不二時江湘來同掩唐虞之舊域頒正朔於八荒天下書同文車同軌牛馬被野餘糧委畝故下時有天下無窮人之謗雖太



无結  
草之  
固

大詰  
重勢

平未洽亦足以明吏奉其法民樂其生矣。武皇既  
 崩山陵未乾而楊駿被誅母后廢黜尋以二公楚王  
 之變宗子無維城之助師尹無具瞻之貴至乃易天  
 子以太上之號而有免官之謠民不見德惟亂是聞  
 朝為伊周夕成桀蹠善惡陷於成敗毀譽習于世利  
 內外混淆庶官失才名實反錯天綱解紉國政迭移  
 於亂入禁兵外散於四方方岳無鈞石之鎮關門無  
 結草之固李辰石冰傾之於荆揚元海王弼撓之於  
 青冀戎羯稱制二帝夫尊何哉樹立失權托付非才  
 四維不張而苟且之政多也夫作法於治其弊猶亂  
 作法於亂誰能救之彼元海者離石之將兵都尉王  
 弼者青州之散吏也蓋皆弓馬之士駢走之人非有  
 吳王先王諸葛孔明之能也新起之寇烏合之眾非  
 吳蜀之敵也脫未為兵列衣為旗非戰國之器也自  
 下逆上非鄰國之勢也然而擾天下如駢群羊羊二  
 都如拾遺芥將相王侯連頸以受戮豈不哀哉。天  
 下大器也群生重勢也愛惡相攻利害相奪其勢常  
 也若積水于防燎火于原未嘗暫靜也器大者不可  
 以小道治勢重者不可以爭競擾古先哲王知其然  
 也是以打其大患禦其大災百姓皆知上德之生已



周之  
興

周家  
世積  
忠厚

而不謂沒已以生也。是以感而應之悅而歸之。如晨  
風之鬱北林。龍魚之趨菽澤也。然後設禮文以理之。  
斷刑罰以威之。謹好惡以示之。審禍福以喻之。求明  
察以官之。尊慈愛以固之。故衆知向方。皆樂其生。而  
哀其死。悅其教。而安其俗。廉恥篤於家閭。邪僻消於  
曾懷。故其民有見危以授命。而不求生。以害義。又况  
可奮臂大呼。聚之以干紀。作亂乎。基廣則難傾。根深  
則難拔。理節則不亂。膠結則不遷。是以昔之有天下  
者。所以長久也。夫豈無僻王。賴道德典刑以維持  
之也。○昔周之興也。后稷生於姜嫄。而天命昭顯。文  
武之功起於后稷。至于公劉。遭夏人之亂。去邠之豳。  
身服畝勞。至于太王。爲戎翟所逼。而不忍百姓之命。  
杖策而去之。故從之如歸市。一年成邑。二年成都。三  
年五倍。其初至于王季。能貽其德音。至于文王。而惟  
新其命。由此觀之。周家世積忠厚。仁及草木。內隆九  
族。外尊事黃帝。以成其福祿者也。而其妃后躬行四  
教。尊敬師傅。服澣濯之衣。脩煩辱之事。化天下以成  
婦道。是以漢濱之女。守潔白之志。中林之士。有純一  
之德。始於憂勤。終於逸樂。以三聖之智。伐獨夫之紂。  
猶正其名。教曰逆取順守。及周公遭變。陳后稷先公



晋基  
不正  
風俗  
尤矣

悠二  
風塵

風化之所由致王業之艱難者則皆農夫女工衣食  
之事也故自后稷之始基靖民十五王而文始平之  
十六王而武始定之十八王而康克安之故其積基  
樹本經緯禮俗節理人情恤隱民事如此之纏綿也  
今晋之興也功烈於百王事捷於三代宣景遭多難  
之時誅庶孽以便事不及脩公劉太王之仁也受遺  
輔政屢遷廢置故齊王不明不獲思庸于亳高貴冲  
人不得復子明辟也二祖逼禪代之期不暇待參分  
八百之會也是其創基立本異於先代者也加以朝  
衰純德之人鄉之不二之老風俗淫僻取尚失所孝  
者以莊老為宗而黜六經談者以虛蕩為辨而賤名  
檢行身者以放濁為通而狹節信進仕者以苟得為  
貴而鄙居正當官者以望空為高而笑勤恪是以刘  
頌屢言治道傳感每糾邪正皆謂之俗吏其倚杖虛  
曠依阿無心者皆名重海内若夫文王日昃不暇食  
仲山甫夙夜匪懈者蓋其嗤黜以為灰塵矣由是毀  
文亂於善惡之實情賤奔於貨欲之塗選者為人擇  
官官者為身擇利而執鈞當軸之士身兼官以十數  
大極其尊小錄其要而世族貴戚之子弟陵迈超越  
不拘資次悠二風塵皆奔競之士列官千百無讓賢



晉書  
臣言  
議

之天子直著崇讓而莫之省于雅制九班而不得用其婦女莊飾織紵皆取成於婢僕未嘗知女工絲枲之業中饋酒食之事也先時而婚任情而動故昏不恥淫泆之過不拘妬忌之惡父兄不之罪也天下莫之非也又况責之間四教於古修貞順於今以輔佐君子者哉禮法刑政於此大壞如水斯積而決其隄防如火斯畜而離其新燎也故觀阮籍之行而資禮教崩弛之所由也察庾純賈充之爭而見師丑之多僻致平吳之功而知將帥之不言思郭欽之謀而寤戎狄有覺覽傅玄劉毅之言而得百官之邪核傅咸之奏錢神之論而覩寵賂之彰民風國勢如此雖以中庸之才守文之主治之卒有必見之於祭祀季札必得之於音樂范熒必為之請死賈誼必為之痛哭又况我**皇帝**以放蕩之德臨之哉**懷帝**承亂得位羈於強臣**愍帝**奔播之後徒廁其虛名天下之政既去非命世之雄才不能取之矣溥耀之列未渝故大命重集於中宗元皇帝

**晉書**懷佩玉金殿居黃屋齧陸三山鯨吞九服獯入金商宮居未央園顛尺仆方趾咸僵大夫反首徙我平陽主憂臣哭于何不臧

晉書一卷終







